

Plattdüütsch Kark

in de Möhlenschüün an'n Pingstmaandag, 8. Juni 2025

Pastor Detlef Korsen - Petra Klusmeyer - Blärsers von'n Kloster



Musik to'n Anfang - Grööten

To'n Ingang: Doot mi op de Döör to' Karken

Leed: Sünnlachen Morgen (Melodie Morgenlicht leuchtet, EG 455)

Sünnlachen Morgen, Licht von den Heven,
Licht ut dat Düüster is uns geboorn:
Dank för dat Wunner, Dank för dat Leven,
Dank för den Aten, Dank för den Dag!

2. Weekstraaken Regen, Water to'n Leven,
fallt op de Eer nu, Bloomen bleiht op:
Dank för de Wolken, Dank för den Segen,
Dank för de Traanen, Dank för den Wind!

weekstraaken - zärtlich

3. Hellblinken Lichtborn, Leev, de uns geven,
schenkst mi da Leven elkeen Dag nee:
Dank di, Gott Vader, Dank allerwegen,
Dank för dat Lachen, Dank för dat Licht!

Lichtborn - Lichtquelle

Wat ut Psalm 118

Leed: Kumm to uns Geist vull Wohrheit

(Melodie: Lob Gott getrost mit Singen)

1. Kumm to uns, Geist vull Wohrheit un stah uns hier to Siet;
Bring du Verstand un Kloorheit in all den Minschenstriet.
Bewohr uns, Recht to sööken, wo anner Recht war kött,
wies du uns op dat Teeken, dat Jesus Christus sett.

2. Dat gilt mit Ernst to beden, dat gilt mit Ernst to doon:
Nah Minschenrecht in Freden een nee'e Welt to boon.
De uns dat Bispill geven un Gott sien Riek anseggt,
hett't sülven her von'n Heven op disse Welt nu bröcht.

3. Du hillig Geist un Trööster, giff Moot uns un Verstand,
wees du uns' Herr un Meister, stüür du nu Kopp un Hand:
In Gott sien' Naam to strieden an elkeen Platz un Oort,
to hoffen un to lieden för Gott sien Recht un Woort.

Evangelium: Johannes 20, 19 – 23

Wi bekennt usen Globen

Ik verlaat mi op Gott, den Vader, he alleen hett Macht.
Himmel un Eer sünd ut sien Hand.

Ik verlaat mi op Jesus Christus, Gott sien Söhn un us Herr;
Mensch worden dör den Hilligen Geist un de Jungfro Maria;
gefangen sett un an't Krüüz slaan ünner Pontius Pilatus,
to Dood un to Graff bröcht, daalsteegen in dat Doodenriek.
Den drüdden Dag weer opstahn to'n Leven,
opfohrt to Gott, den Vader,
em to Siet glik an Macht und glik an Ehr.
Von dor kummt he trügg,
Gericht to hoolen över de Lebennigen un de Dooden.

Ik verlaat mi op den Hilligen Geist,
ik tööv op een Kark för all Christen, ik glööv, dat Schuld vergeven ward
un de Dooden opstaht to een Leven, dat ewig wohrt. **Amen**

Musik

Predigt: "Füür und Gedüür"

Lied: Wi freit uns övermaaten

(Melodie: Du meine Seele singe, Psalm 146)

1. Wi freut uns övermaaten, dat Jesus is un blifft,
un könnt dat gar nich faaten, wat he för'n Hülپ uns gift.
He will uns Minschen roopen, dat wi dat Glück hier find'.
Wullt du ok mit em loopen un leben as sien Kind?

2. Laat all dien Angst un Klaagen, van Noot un Sörg un Dood.
He hett dat Schlimmste draagen an't Krüüz, du weetst dat goot.
Du denkst, nüms kann dat weeten, wo di um't Hart tomoot,
wat Angst vör'n Dood kann heeten?
Man Jesus kennt dat goot.

3. För all, de mit em gungen, veranner sük de Welt,
se hebbt weer hoopt un sunge un hebbt van Gott vertellt.
Wo mehr se dorvan höören, wo grööter woor her Freud.
Dat könnt wi wedder lehren, wenn Jesus mi tuns geiht.

Wat noch antoseggn is – Wo wi för sammeln doot

Klingbüddel-Leed: Nu dankt mit'anner Gott

(Melodie: Nun danket alle Gott)

1. Nun dankt mit'nanner Gott mit Harten, Mund un Hannen,
de groote Dingen deit hier un in alle Lannen,
de uns van ollers her, de uns van Kind up an
hett overut vööl Goods hento vandaage daan.

2. De ewig rieke Gott mag uns in unse Leven
een Hart, dat alltied blied* un vull van Free is geven,
un uns in Gnaaden ok erhollen wunderbor,
un uns ut alle Noot lössmaaken hier un dor.

3. Nu dankt mit'nanner Gott mit Harten, Mund un Hannen
De groote Dinge deit hier un in alle Lannen,
de dreemal eene Gott, so lang de Welt besteiht,
wor he nu is un blifft in alle Ewigkeit.

Wi dank un bidd för Minschen in Not

Wi beet, as Jesus us dat opdraagen hett:

Use Vader in den Himmel,
Laat heilig weern dien Naam,
laat kaamen dien Riek.
Wat du wull, schall weern
in'n Himmel un op de Eer.
Giff us Broot dissen Dag
un reken us nich to,
wat wi unrecht daan hebbt,
so as wi nich torecken willt;
wat us andaan is.
Laat us nich affkaamen von dien Recht.
Un maak us free von all, wat us drifft.
Du wullt dat, du kannst dat,
du deist dat ok.
AMEN

Segen

Musik to'n Utgang

